



# Sioe Frenhinol Cymru Royal Welsh Show

*22 - 25 Gorffennaf 2024*

Noddwr: Y Diweddar Frenhines Elizabeth II  
Llywdd: Mr Denley Jenkins FRAGS

**Atodlen Trefnu Blodau**

Pabell Trefnu Blodau -  
Pentref Garddwriaeth

*cafc.cymru*  
*rwas.wales*

**YMGEISIWCH  
AR-LEIN**

*Ceisiadau Olaf:  
14 Mehefin 2024*

*Manylion cyswllt -*

Amanda Burton

CAFC, Llanelwedd, Llanfair-ym-Muallt, Powys, LD2 3SY

Ffôn: 01982 554409

E-bost: hort@rwas.co.uk

www.cafc.cymru

Annwyl Arddangosydd

Yn 2024, fe fydd adran gystadleuol garddwriaeth yn y Pentref Garddwriaeth newydd. Y Pentref Garddwriaeth yw gweledigaeth newydd y Gymdeithas ar gyfer garddwriaeth a lansiwyd yn Sioe 2023 gan Lesley Griffiths AS. Fe fydd y pentref yn dathlu pob agwedd ar arddwriaeth yng Nghymru – o dyfu cymunedol i dyfu masnachol, arddangos cystadleuol ac arddangosfeydd. A law yn llaw â hynny fe fydd yn hyrwyddo buddion iechyd a chymdeithasol garddio ac addysg.

Yr ethos yw ‘ysbrydoli, addysgu a chydweithio.’ Fe fydd y pentref yn lle i ysbrydoli a bydd yn gwneud hynny drwy arddangos rhagoriaeth, gyda chynnyrch y cystadlu i’w gweld yn ogystal ag arddangosfeydd. Fe fydd yn lle i addysgu a dysgu ac yn gweithio mewn partneriaeth ag ysgolion a cholegau. A bydd yn creu cyfle i gydweithio trwy fannau cymdeithasol cynhwysol, ardaloedd cyfarfod a llwyfannau arddangos.

Fe fydd yr elfen gystadleuol mewn pebyll llai o faint – a bydd pabell arbennig ar gyfer Trefnu Blodau. Fe fydd modd cystadlu trwy’r system ar-lein sy’n gyfleus ac yn hawdd ei defnyddio. Bydd y system ar-lein yn golygu na fydd gofyn mynd i’r drafferth a’r gost o bostio unrhyw beth a bod modd talu’n ddiogel. Byddwn yn parhau â’r opsiwn o wneud hyn drwy’r system bostio draddodiadol ar gyfer y rheiny nad oes ganddynt gysylltedd addas.

Nodwch y wybodaeth ychwanegol isod.

Pob lwc gyda’r cystadlu a diolch am eich cefnogaeth a’ch diddordeb.

**Gwybodaeth ychwanegol**

- ◆ Bydd dosbarthiadau Trefnu Blodau Merched y Wawr a Sefydliad y Merched yn ôl yn y Babell Trefnu Blodau yn 2024.
- ◆ Byddwn yn croesawi nôl i’r Babell hefyd cystadleuaeth Trefnu Blodau CFFI Cymru.
- ◆ Fe fydd bocs ar gael yn y Babell er mwyn i arddangoswyr roi rhubanau a enillwyd yn y gorffennol yn ôl – mae’r Gymdeithas yn edrych ar ailgylchu’r rhubanau hyn gyda darnau canol newydd er mwyn eu haildefnyddio.

Cyflwyno’r Gwobrau (bydd hyn yn digwydd yn y Babell Dysgubor)

Adrannau Amatur Trefnu Blodau a Garddwriaeth - Dydd Llun 22 Gorffennaf 1.30pm

Cystadleuaeth Whilber/Berfa’r Plant a’r Adran Iau - Dydd Iau 25 Gorffennaf 12.15pm

Nodwch y byddai’n well gan y Gymdeithas ddefnyddio cyfryngau cynaliadwy bioddiraddadwy / amgen yn ystod 2024 yn hytrach na ffôm /oasis mewn unrhyw ddosbarth yn yr Adran Amatur.  
Fodd bynnag, caniateir defnyddio oasis/ffôm hyd nes 2028.

**BEIRNIAID**

Jackie Charnock, Swydd Amwythig

Christine Picton, Norwich

**SWYDDOGION**

**Cyfarwyddwr Cynorthwyol Anrhydeddus a Chadeirydd y Pwyllgor**

Adam Jones

**Pennaeth Gweinyddiaeth**

Caron W Evans

**Uwch Stiwardiaid Trefnu Blodau**

Rosemarie Harris ac Elizabeth Thomas

**Stiwardiaid (I’w cadarnhau)**

Dilys Ayling, Dorothy Burns, Liz Edwards, Jayne Evans, Anne George, Richard Harris, Delyth Jenkins, Ann Jones, Pat Llewellyn, Donald Morgan, Mary Olsen, Delyth Price, Sue Thomas, Ann Williams

## Nodwch

- ◆ Amser beirniadu – **7.30am** Dydd Llun 22 Gorffennaf 2024
- ◆ Ni dderbynnir ceisiadau ar ôl y dyddiad cau. Cynhwysir TAW yn nhâl y ceisiadau.
- ◆ Ni all arddangoswyr ymgeisio mewn unrhyw ddsbarth nad ydynt wedi ei nodi ar eu ffurflen gais ar-lein. Dim ond cardiau dosbarth a gynhyrchwyd yn swyddogol a ganiateir.

## DOSBARTHIAU TREFNU BLODAU

Beirniadir yn unol â fersiwn ddiweddaraf rheolau The National Association of Flower Arrangement Societies, a gellir cael copi ohonynt o'r cyfeiriad isod:-

The Secretary, NAFAS HQ, Osborne House, 12 Devonshire Square, London EC2M 4TE.

Ffôn: 020 7247 5567

E-bost: [flowers@nafas.org.uk](mailto:flowers@nafas.org.uk)

Gwefan: [www.nafas.org.uk](http://www.nafas.org.uk)

## DIFFINIADAU

### Darn Arddangos

Mae darn arddangos yn cynnwys deunydd planhigion naturiol ar bob ffurf, gydag ategolion neu hebddynt, mewn gofod a nodir yn atodlen y sioe.

Gellir cynnwys cefndiroedd, sylfeini, cynwysyddion, gorchuddion, teitlau ar gyfer darnau arddangos a mecaneg bob tro mewn darn arddangos, oni nodir yn wahanol.

Gellir cynnwys mwy nag un gosodiad bob tro, oni nodir yn wahanol.

### Pedestal

Plinthau, stondinau, colofnau neu strwythurau fertigol sy'n rhan integrol o'r dyluniad, a ddefnyddir i godi'r prif osodiad. Caniateir is-osodiadau, ond dylai'r prif osodiad fod yn uwch.

### Pavé/Tapestri

Gosodir deunydd planhigion a chydannau eraill yn agos at arwyneb ffôm blodau neu fecaneg arall a'u grwpio at ei gilydd yn ôl eu math.

**NODWCH:** Disgwylir i geisiadau oroesi am y pedwar diwrnod.

## **Gwobrau Arbennig:**

\* **ARBENNIG 1:** Cyflwynir Tlws Parhaol Marcwis Môn i'r arddangosydd â'r mwyaf o bwytiau yn Nosbarthau 1 i 11 gan gynnwys y Dosbarthiadau hynny (os bydd mwy nag un cystadleuydd yn gydradd, cyflwynir dwy gofrod).

\* **ARBENNIG 2:** Cyflwynir Tlws Parhaol Pererindod-y-Blodau gan Mrs Iona Trevor-Jones, am y darn arddangos unigol gorau. Nodwch mai dosbarthiadau Ffederasiwn Sefydliad y Merched a MYW yw dosbarthiadau 12 a 13.

\* **ARBENNIG 3:** Cyflwynir Tlws Parhaol Ffederasiwn Sefydliad y Merched Sir Frycheiniog am y darn arddangos gorau yn Nosbarth 12.

**ARBENNIG 4:** Tlws Merched y Wawr am yr arddangosfa orau yn nosbarth 13.

**ARBENNIG 5:** Cerdyn Arbennig CAFC am y darn arddangos sy'n gwneud y defnydd gorau o Ddeunydd Planhigion Gardd.

**ARBENNIG 6:** Rhoséd CAFC i Bencampwr a Chil Wobr Orau y Sioe.

# Teitl – ‘Byd o Flodau’

Mae uchder y darn arddangos fel y nodir, fel arall gweler y rheolau ar dudalen 7


Cefnogwyd yr adran Trefnu Blodau yn garedig gan:

**Brenda Jenkins, Boneddiges y Llywydd**

**Anne George**

**Jim Raw Rees & Co**

**Arglwyddes Geraint o Bonterwyth • Emyr Hughes, Aberystwyth • Philip Evans, Aberystwyth**

Dosbarth	Tâl Ymgeisio	Gwobrau		
		1	2	3
<p>1. <b>‘Marchnad Flodau/Flower Market’</b></p> <p>I’w llwyfannu ar sylfaen 1.22m sg, 15cm o ddyfnder. <b>NI</b> ddarperir unrhyw gefndir yn y dosbarth hwn. Nid oes cyfyngiad ar uchder y darn arddangos. <b>I’W LWYFANNU GAN DIM MWY NA DAU UNIGOLYN – YN AGORED I UNIGOLION, CYMDEITHASAU BLODAU, CLYBIAU A/NEU UNRHYW GRWPIAU.</b></p>  <p>1.22m sg (Sylfaen) 15cm (Amcan o ddyfnder y sylfaen)</p>	£2.50	£40.00	£25.00	£15.00
<p>2. <b>‘Y Siop Trwsio/The Repair Shop’</b></p> <p>Darn arddangos i’w llwyfannu ar giwb 75cm wedi’i beintio’n wyn (a ddarperir) o fewn gofod llawr o 1m sg. Nid oes cyfyngiad ar yr uchder. I’w feirniadu o bob cyfeiriad.</p>	£1.50	£30.00	£20.00	£10.00
<p>3. <b>‘Trydan/Electricity’</b></p> <p>Darn arddangos cyfoes. Caniateir tua 61cm o led a 68cm o ddyfnder. Nid oes cyfyngiad ar yr uchder.</p>	£1.50	£25.00	£15.00	£8.00
<p>4. <b>‘Gardd o Emau/A Jewel Garden’</b></p> <p>Darn arddangos sy’n sefyll ar y llawr. Arddangosydd i ddarparu sylfaen llwyfannu addas. Caniateir 1m sg. Nid oes cyfyngiad ar yr uchder.</p>	£1.50	£25.00	£15.00	£8.00
<p>5. <b>‘Antur yng Nghefn Gwlad/A Rural Odyssey’</b></p> <p>Arddangosfa pavé (gweler y diffiniad ar dudalen 3). Caniateir 76cm o led, 68cm o ddyfnder ac nid oes cyfyngiad ar yr uchder.</p>	£1.50	£25.00	£15.00	£8.00
<p>6. <b>‘Hemisffer y De/Southern Hemisphere’</b></p> <p>Darn arddangos. Caniateir 76cm o led, 68cm o ddyfnder ac nid oes cyfyngiad ar yr uchder.</p>	£1.50	£25.00	£15.00	£8.00
<p>7. <b>‘Dŵr/Aqua’</b></p> <p>Darn arddangos. Caniateir 76cm o led, 68cm o ddyfnder ac nid oes cyfyngiad ar yr uchder.</p>	£1.50	£25.00	£15.00	£8.00

Dosbarth	Tâl Ymgeisio	Gwobrau		
		1	2	3
<p>8. <b>'Gardd Gors/A Bog Garden'</b></p> <p>Darn arddangos sy'n sefyll ar y llawr. Yr arddangoswr i ddarparu sylfaen llwyfannu addas. Caniateir 1m sg. Nid oes cyfyngiad ar yr uchder.</p>	£1.50	£25.00	£15.00	£8.00
<p>9. <b>'Tylwyth Teg y Blodau/Flower Fairies'</b></p> <p>Darn arddangos bach gyda deunydd planhigion ffres, a gellir defnyddio ategolion. <b>(Heb fod yn fwy na 25cm o led a dyfnder; mae'r uchder yn ddewisol ond rhaid ei fod mewn cyfrannedd)</b> i'w lwyfannu ar blinthau o uchderau amrywiol, wedi eu peintio'n las, a ddarperir.</p>	£1.50	£15.00	£10.00	£5.00
<p>10. <b>'Myrdd o Wyrdd/Shades of Green'</b></p> <p>Darn arddangos bach iawn sy'n cynnwys deunydd planhigion ffres, a gellir defnyddio ategolion. <b>(Heb fod yn fwy na 10cm o led a dyfnder; mae'r uchder yn ddewisol ond rhaid ei fod mewn cyfrannedd)</b></p>	£1.50	£15.00	£10.00	£5.00
<p>11. <b>'Pinc i Gyd/In the Pink'</b></p> <p>Darn arddangos. <b>Mae'r dosbarth hwn yn agored i gystadleuwyr sy'n nofyddion llwyr NEU o dan 30 oed, yn unig.</b> Caniateir 76cm o led, 68cm o ddyfnder ac nid oes cyfyngiad ar yr uchder.</p>	£1.50	£15.00	£10.00	£5.00

#### Dosbarthiadau Sefydliad y Merched a Merched y Wawr:

Dosbarth	Tâl Ymgeisio	Gwobrau		
		1	2	3
<p>12. <b>'Chwedl Gymreig/A Welsh Myth or Legend'</b></p> <p>Darn arddangosfa sy'n agored i enillydd cystadlaethau cymwys Sefydliad y Merched yn unig. Dylid nodi enw'r ffederasiwn a'r arddangosydd. Caniateir gofod o 76cm o led, 68cm o ddyfnder ac nid oes cyfyngiad ar yr uchder.</p>	£1.50	£15.00	£10.00	£5.00
<p>13. <b>'Crefftau Gwledig/Cefn Gwlad'</b></p> <p>Arddangosfa sy'n agored i enillwyr cystadlaethau rhagbrofol Merched y Wawr yn unig. Enw'r Mudiad a'r cystadleuydd i'w datgan. Caniateir gofod arddangos o 76cm o led, 68cm o ddyfnder ac nid oes cyfyngiad ar yr uchder.</p>	£1.50	£15.00	£10.00	£5.00

## RHEOLAU AC AMODAU CYFFREDINOL

### RHEOLAU CYFFREDINOL

1. Mae Cymdeithas Amaethyddol Frenhinol Cymru wedi ymrwymo i ddiogelu eich data personol a'u prosesu yn unol â gofynion cyfreithiol yn unig. Am ragor o fanylion dylech ofyn am gopi o'n Polisi GDPR. Rydym yn prosesu eich data personol gan eu bod yn angenrheidiol er mwyn cyflawni ein contract gyda chi i hwyluso eich gallu i gystadlu yn y digwyddiad. Ni fyddwn yn trosglwyddo eich data tu allan i'r DU a'r Ardal Economaidd Ewropeaidd. Ni fyddwn yn rhannu eich data gyda thrydydd parti ac eithrio awdurdodau rheoleiddio neu Gymdeithasau cyswllt y gallem gyflwyno ceisiadau iddynt a chanlyniadau i'w gwirio i sicrhau eu bod yn ddilys ac yn gymwys, ar sail eu buddion cyfreithlon. Cyhoeddir eich enw a'ch sir yng nghatalog y Gymdeithas. Bydd canlyniadau hefyd yn cael eu dosbarthu ymhlith aelodau'r wasg a'u cyhoeddi ar ein gwefan. Rydym yn cadw'ch data yn unol â'n hamserlen gadw er mwyn symleiddio ceisiadau yn y dyfodol. Mae gennych hawliau amrywiol o ran y data yr ydym yn eu dal, gan gynnwys yr hawl i gywiro a gwrthwynebu i'ch data gael eu prosesu. Cofiwch hefyd y bydd ffotograffau a ffilmiau'n cael eu cymryd ar draws Maes y Sioe at ddibenion darlledu, cyhoeddusrwydd a marchnata.
2. Nodwch, os yw'r arddangosydd o dan 18 oed, yna rhaid i riant/warcheidwad sydd dros 18 oed gwblhau'r cais ar-lein. Nodwch fod y sawl sy'n llenwi'r cais yn cymryd cyfrifoldeb llwyr dros gydymffurfio â'r holl reolau a rheoliadau.
3. **Tlysau a Chwpanau Her – NODWCH:-** Bydd y Tlysau a'r Cwpanau Her yn cael eu cadw'n barhaol mewn Ystafell Dlysau sydd wedi ei hadeiladu yn arbennig at y diben yn Neuadd Clwyd Morgannwg. Bydd enillydd pob Tlws a Chwpan Her yn cael Cofrodd Swyddogol Cymdeithas Amaethyddol Frenhinol Cymru i'w chadw, a bydd eu henw'n cael ei engrafu ar y Tlysau a'r Cwpanau Her hefyd.  
Mae Gwobrau Arbennig a nodir gyda \* yn dangos Cwpanau a Thlysau sy'n eiddo i'r Gymdeithas.
4. **Mae'r Gymdeithas, a'r Gymdeithas yn unig, yn cadw'r hawl i enwebu rhywun/rhywrai i gynnal cyfweiliadau gyda'r cyfryngau. Rhaid cael caniatâd y Gymdeithas os oes unrhyw griwiau camera eisiau dod gydag arddangosydd yn ystod y digwyddiad.**
5. Telir pob gwobr ariannol trwy daliad BACS i arddangoswyr llwyddiannus o fewn 8 wythnos ar ôl y Sioe, ac eithrio mewn achosion o brotest.
6. Dim ond yr arddangoswyr hynny y mae eu **Ffioedd Ymgeisio** yn dod i ddau draean o Dâl Mynediad Oedolyn i'r Sioe fydd yn cael tocyn am ddim i ddod i mewn i'r Sioe (fel arall rhoddir tocyn cyn-sioe a thaleb casglu i arddangoswyr). Ni chaniateir codi'r ffioedd ymgeisio i £23.00 (2024) trwy gyfraniad.

### TREFNU BLODAU

1. Fe fydd y Babell Trefnu Blodau ar agor i dderbyn darnau arddangos amatur o **10.00am ddydd Sul 21 Gorffennaf 2024**.
2. **Ni cheir symud unrhyw ddarn arddangos amatur cyn 5pm ddydd Iau 25 Gorffennaf 2024.** Bydd y trefniadau mynediad er mwyn i arddangoswyr yn yr adran amatur symud eu darnau arddangos wedi eu cynnwys gyda'u pecyn mynediad.
3. Ni chaiff arddangoswyr ddod â'u cŵn i mewn i'r Babell
4. Dyfnder y llwyfan ymhob achos yw 68cm – oni nodir yn wahanol (amcan yw'r holl fesuriadau a roddir). Ni chaniateir unrhyw ddyfeisiau mecanyddol.

5. **NI** ddarperir cefndir ar gyfer **UNRHYW** Ddosbarth yn 2024.
6. **Rhaid gosod pob cais yn y Babell ac eithrio dosbarthiadau 9 a 10 a rhaid mai gwaith y cystadleuydd yn unig ydyw – ni chaiff gael cymorth (ac eithrio dosbarth 1).**
7. Bydd byrddau trestl ar gael er mwyn i'r arddangoswyr eu defnyddio i osod eu deunyddiau ayb. wrth baratoi eu darnau arddangos.
8. **Y dyddiad cau ar gyfer ceisiadau i bob adran yw dydd Gwener 14 Mehefin 2024.**  
I gael cadarnhad bod eich ceisiadau wedi cael eu derbyn, cysylltwch â ni hyd nes dyddiad cau'r ceisiadau.
9. Bydd y beirniadu'n dechrau'n brydlon am 7.30am **ddydd Llun 22 Gorffennaf 2024**. Gellir diarddel unrhyw ddarn arddangos sydd heb ei lwyfannu'n gywir erbyn hynny. Bydd y Babell yn cael ei chlirio yn ystod y beirniadu ac ni fydd unrhyw un heblaw'r Beirniaid a'r Swyddogion sy'n bresennol yn cael bod yn y Babell hyd nes cwblhau'r beirniadu.  
**Bydd y Babell Trefnu Blodau ar agor i'r cyhoedd o 10.30am neu wedi cwblhau'r dyletswyddau beirniadu.**
10. Rhaid bod pob darn arddangos yn sefyll yn rhydd. Ni ddylai unrhyw ddarn arddangos fod wedi'i osod yn sownd wrth unrhyw ddarn o'r llwyfan a ddarperir. Gall y Cyfarwyddwr Cynorthwyol Anrhydeddus neu'r Uwch Stiwardiaid ddirymu'r rheol hon os oes mater o ddiogelwch i'r cyhoedd.
11. **Bydd penderfyniad y beirniaid yn derfynol. Gall beirniad unrhyw ddsbarth yn yr atodlen amatur, wrthod beirniadu darn arddangos os yw'n barnu nad ydyw o'r ansawdd y gellid ei ddisgwyl yn rhesymol gan ddarn arddangos mewn Sioe Genedlaethol. Ni fydd ceisiadau yn y dyfodol, gan arddangosydd o'r fath, yn cael eu derbyn yn yr adran amatur. Mae pob beirniad yn cadw'r hawl i gynghori'r stiwardiaid i symud darnau arddangos sy'n amlwg o safon isel ac yn adlewyrchu'n wael ar safon Sioe Genedlaethol.**
12. Gofynnir i arddangoswyr wneud yr holl waith adnewyddu angenrheidiol ar gyfer blodau wedi eu torri cyn 9.00am ar unrhyw ddiwrnod ar ôl diwrnod cyntaf y Sioe.
13. Rhaid protestio'n ysgrifenedig a'i roi i'r Uwch Stiwardiaid o fewn hanner awr wedi cwblhau'r beirniadu, ynghyd â blaendal o £25.00 a ad-delir os cynhelir y brotest.  
**Trefnwyd Panel sy'n cynnwys Cyfarwyddwr Cynorthwyol Anrhydeddus Garddwriaeth, Uwch Stiwardiaid Trefnu Blodau ac un Stiward Garddwriaeth arall i symud unrhyw ddarnau arddangos o safon isel, delio ag unrhyw brotestiadau ayb.**
14. Mae'r Gymdeithas yn cadw i'w hun, trwy ei Bwrdd Cyfarwyddwyr, yr unig hawl a'r holl hawl i ddehongli'r amodau a'r rheoliadau hyn neu unrhyw amodau a rheoliadau eraill a osodir, neu daflenni gwobrau, ac i setlo a phennu pob mater, cwestiwn neu wahaniaeth mewn perthynas â'r rhain, neu sy'n codi fel arall yn sgil y Sioe, neu mewn perthynas â'r Sioe neu'n gysylltiedig â'r Sioe, yn ôl ei doethineb.
15. Ni fydd y Gymdeithas yn derbyn unrhyw gyfrifoldeb dros golled neu ddifrod i ddarnau arddangos (neu unrhyw ran ohonynt) neu eiddo personol cyn y digwyddiad, yn ystod y digwyddiad neu ar ôl y digwyddiad, ac ni fydd y Gymdeithas yn gyfrifol am golled unrhyw blanhigyn, blodyn neu gynhwysydd wrth eu cludo i faes y sioe, o faes y sioe neu ar faes y sioe, yn ystod y digwyddiad neu ar ôl y digwyddiad.

16. Fe fydd Stiward ar ddyletswydd yn y Babell hyd nes 10pm **ddydd Sul 21 Gorffennaf 2024**, ac ar ôl hynny gellir cysylltu mewn argyfwng trwy'r Ganolfan Feddygol ar 01982 551057 neu Ganolfan Reoli'r Sioe ar 01982 551270. Gellir cysylltu â staff diogelwch yn y Fynedfa Peiriannau, 24 awr y dydd. Bydd gard ar batrôl gyda'r hwyr a dros nos yn ystod y Sioe.
17. **Yn ystod amserau llwyfannu yn yr Adran Amatur, dim ond arddangoswyr a swyddogion fydd yn cael aros.**
18. Dyfernir pwyntiau ar sail:  $1^{af} - 3$ ,  $2^{il} - 2$ ,  $3^{ydd} - 1$ .
19. Cyflwynir Rhoséd i enillydd pob gwobr gyntaf ymhob un o'r adrannau amatur.
20. Caniateir un darn arddangos yn unig gan un arddangosydd yn unrhyw un dosbarth.
21. Mae'r Gymdeithas yn cadw'r hawl i ganslo unrhyw ddsbarth pan fo'r ceisiadau'n isel.
22. Er mwyn cydymffurfio â Gorchymyn Enseffalopathi Sbyngffurf Buchol 1996 mae'n hanfodol nad oes unrhyw gynnyrch blawd esgyrn na chig yn cael eu defnyddio yn yr adran Trefnu Blodau.
23. Yn ddelfrydol, dylai arddangosydd fynd ag unrhyw wastraff a gynhyrchir wrth lwyfannu, adref, neu ei roi yn y biniau gwastraff ailgylchu perthnasol i'w casglu yn Rhodfa A.
24. Byddai swyddfa'r Gymdeithas yn gwerthfawrogi cael gwybod pan na fydd modd arddangos mewn unrhyw ddsbarth, cyn gynted â phosibl cyn y Sioe.
25. Bydd cardiau a rhosedau a wobrwyr sydd ddim wedi cael eu casglu yn ystod y Sioe yn cael eu postio at yr arddangoswyr hynny sy'n cysylltu â'r swyddfa o fewn 6 wythnos ar ôl y digwyddiad yn unig.

### **Cystadleuaeth Trefnu Blodau Sefydliad y Merched**

1. Agored i bob Ffederasiwn Sefydliad y Merched. Caiff pob Ffederasiwn gystadlu unwaith yn unig.
2. Darn arddangos i'w osod ar fwrdd trestl. Caniateir gofod o 76cm o led a 68cm o ddyfnder. Nid oes cyfyngiad ar yr uchder.
3. Rhaid trefnu darnau arddangos yn y Sioe o fewn y gofod a ddyrannir. Rhaid arddangos enw'r cystadleuydd a'r Ffederasiwn.
4. Bydd y darn arddangos yn cael ei feirniadu yn unol â rhifyn cyfredol Llawlyfr Cystadlaethau NAFAS.
5. Mae penderfyniad y beirniaid yn derfynol.
6. Mae darn arddangos yn cynnwys deunydd planhigion naturiol, gydag ategolion neu heb ategolion, o fewn y gofod a nodir yn yr atodlen.

### **RHEOLAU CYSTADLEUAETH TREFNU BLODAU – M.Y.W.**

1. Man arddangos – 76cm (2'6") x 68cm (2'3"), unrhyw uchder.
2. Un aelod yn unig i osod y blodau, ond caniateir **dwyr** ymgais o bob rhanbarth.
3. Rhaid gosod yr arddangosfa yn ystod y Sul cyn y sioe. Dylid clirio'r arddangosfa rhwng 5.00 a 6.00 o'r gloch ar ddiwrnod olaf y Sioe.
4. Ni fydd Merched y Wawr yn gyfrifol am unrhyw eitem o'r arddangosfa yn ystod cyfnod y Sioe.
5. Bydd y beirniadaethau yn cael eu cyfieithu brynhawn Llun gan gynrychiolydd o'r mudiad.
6. Gweler llyfr Merched y Wawr – Rheolau NAFAS am reolau trefnu blodau ar gyfer y gystadleuaeth.
7. Bydd penderfyniad y beirniad yn derfynol. Dylid cyflwyno unrhyw gŵyn cyn 6.00 o'r gloch nos Lun y Sioe a hynny yn ysgrifenedig wedi ei **lofnodi** a thâl o £25 i Brif Stiward Cystadleuaeth Merched y Wawr.



